

杂诗四

韩愈

世有伯乐、洛、然后有千里马。

伯乐、秦穆公时人、姓孙、名阳、善相马。此以伯乐喻知己、以千里马喻贤士。○一叹。

千里马常有、而

伯乐不常有。二叹。

故虽有名马、祇辱于奴隶人之手、

骈_{辨平}声、

死于槽枥之间、

不以千里称也。○三叹。

骈、并也。

马之千里者、一食或尽粟一石、食嗣、马者、不知

其能千里而食也。是马也、虽有千里之能、食不饱、力不足、才美不

外见、且欲与常马等不可得、拗一安求其能千里也。

四叹。○千里二字、凡七唱、感慨悲惋。

策之不以

其道、食之不能尽其材、鸣之而不能通其意、执策而临之曰、天下无

马。呜呼、其真无马邪、其真不知马也。

五叹、总结。

此篇以马取喻、谓英雄豪杰、必遇知己者、尊之以高爵、养之以厚禄、任之以重权、斯可展布其材。否则英雄豪杰、亦已埋没多矣。而但谓之天下无才、然耶否耶、甚矣、知遇之难其人也。